

ԾԱՅՐԱԳՈՅՆ ՊԱՏՐԻԱՐՔ ԿԱԹՈՂԻԿՈՍ ԱՄԵՆԱՅՆ ՀԱՅՈՅ



Նորին Ամենապատուութիւն
Տ. Եղիշէ Արքեպիսկոպոսին
Պատրիարքին Հայոց Երուսաղեմի
Կոռևսագէմ

«Քրիստոս յարեաւ ի մեռելոց, ձեզ եւ մեզ մեծ աւետիս»:
Սուրբ Յարութեան աւետիսը նոր լոյս կ'իշեցնէ մեր օրերու
յաւացեալ աշխարհին վրայ, մեր Եկեղեցին վրայ, ամենուն հո-
գիներէն ներս:

Ազատ ու պայծառ քող շոգայ լոյսը Յարութեան: Մար-
դիկ եւ ժողովուրդներ, իրենց մտածումներն ու ձեռաց գործերը
քող այդ լոյսով շաղախնեն, բիրեզացնեն, ի փառս Ամենակալին
եւ ի փառս Մարդուն: Յարութեան լոյսով քող առաջնորդուին
հաեւ պետութիւնները, հասնելու համար իրական խաղաղութեան
եւ արգարութեան ափին:

Այսօր Սուրբ Յարութեան լոյս կը բերեմ Զեղի յաւիտե-
նական Սուրբ Էջմիածնէն, սրտազին մաղթանելով որ Փրկիչը մեր
Քրիստոս անսասան պահպանէ Հայոց Մայր Եկեղեցին եւ համայն-
ժողովուրդը, հոգեշէն եւ ազգանուեր գործոց առատ պտղառ-
պաւմով:

Բարի մաղթանեներ Զերդ Ամենապատուութեան, Զեր Ս.
Արռաջն ուխտապահ Միաբանութեան եւ համայն մեր հաւատս-
տոր զաւակներան, ի պայծառութիւն եւ յանսասան միութիւն
մեր Առաքելական Սուրբ Եկեղեցւոյն:

Արդ, Սուրբ Յարութեան շնորհներով «ազատացեալք ի մե-
ղացն, եւ ծառայեալք Աստուծոյ, ունիք զպտուզ ձեր ի սրբութիւն
եւ վախճան նորա կեանք յաւիտենից: Զի թոշակն մեղաց մահ է.
այլ չնորհք Աստուծոյ կեանք յաւիտենից ի Քրիստոս Յիսուս ի
Տէր Մէր» (Հռոմ. Զ, 22-23):

Խնդութեամբ եւ սիրոյ ոգջունիւ՝

ՎԱԶԳԻՆ Ա
ԿԱԹՈՂԻԿՈՍ ԱՄԵՆԱՅՆ ՀԱՅՈՅ

Ա. Էջմիածին,
30 Մարտի 1968